

भि॒क्षते॒ य ए॒वास्य॒ मृत्यौ॒ पा॒दस्तमे॒व ते॒न प॒रि॒क्रीणा॒ति त॒च्छं॒ संस्कृ॒त्यात्म॒न्धत्ते॒ स ए॒नमा॒विश॒ति ॥ ५ ॥ अथ॒ यदा॒चार्य॒वच॒सं करो॒ति । यदा॒चार्याय॒ कर्म॒ करो॒ति य ए॒वास्य॒चार्ये॒ पा॒दस्तमे॒व ते॒न प॒रि॒क्रीणा॒ति त॒च्छं॒ संस्कृ॒त्यात्म॒न्धत्ते॒ स ए॒नमा॒विश॒ति ॥ ६ ॥ न ह॒ वै स्ना॒त्वा भि॒क्षेत॒ । अप॒ ह॒ वै स्ना॒त्वा भि॒क्षां ज॒यत्य॒प॒ ज्ञातीना॒म॒शनायाम॒प॒ पितॄणा॑ ॥ स ए॒वं वि॒द्वान्य॒स्या ए॒व भूयि॑ष्ठ॒ श्लाघे॒त तां॒ भि॒क्षेते॒त्या॒हुस्त॒ल्लो॒क्यमि॒ति स य॒द्यन्यां॒ भि॒क्षित॒व्यां न॒ विन्दे॒दपि॒ स्वामे॒वाचार्य॒ज्ञायां॒ भि॒क्षे॒ताथो॒ स्वां मा॒त॒रं नैन॑ ॥ स॒प्तम्य॒भि॒क्षिता॒तीया॒त्तमे॒वं वि॒द्वा॒समे॒वं च॒रन्त॑ ॥ स॒र्वे वे॒दा अ॒विश॒न्ति यथा॒ ह॒ वा॒ऽअग्निः॒ समि॒द्धो रो॒चत॑ ॥ ए॒व ॥ ह॒ वै स॒ स्ना॒त्वा रो॒चते॒ य ए॒वं वि॒द्वान्ब्र॒ह्मच॒र्यं च॒रति ॥ ७ ॥ ब्रा॒ह्मण॑म् ॥ ६ [३. ३.] ॥ तृ॒तीयो॒ऽध्यायः॒ [६१.] ॥ ॥

उद्दाल॒को ह्य॒रुणिः॒ । उदी॒च्यान्वृ॒तो धा॒वयां॒ चका॒र त॒स्य निष्क॒ उपा॒हित॒ आसै॒तद्ध॒ स्म वै तत्पूर्वे॑षां वृ॒तानां॒ धा॒वय॒तामे॒कध॒नमु॒पा॒हितं॒ भव॒त्युप॒वल्ह्य॒य वि॒भ्यतां॒ तान्दो॒दीच्या॒नां ब्रा॒ह्मणा॒न्भीर्वि॒वेद ॥ १ ॥ कौरु॒पञ्चालो॒ वा॒ऽअयं॒ ब्रह्मा॒ ब्रह्म॒पुत्रः॒ । यद्वै नो॒ऽयम॒र्थं न॒ पर्या॒ददी॒त ह॒तैनं॒ ब्रह्मो॒द्यमा॒ह्वयाम॒हाऽइति॒ केन॒ वीरे॒णेति॒ स्वैदा॒यने॒नेति॒ शौन॒को ह॒ स्वैदा॒यन॒ आस ॥ २ ॥ ते हो॒चुः । स्वैदा॒यन॒ त्वया॒ वीरे॒णमं॒ प्रतिसं॒यता॒महाऽइति॒ स हो॒वाचो॒पात्र॒ खलु॒ रम॒ताहं॒ न्वेनं॒ वेदा॒नीति॒ तच्छा॒भिप्र॒पेदे॒ तच्छा॒भिप्र॒पन्न॒मभ्यु॒वाद॒ स्वैदा॒यना॑ऽइति॒ हो॒ गौत॒मस्य॒ पुत्रे॒तीतरः॒ प्रति॒शुश्रा॒व तच्छा॒ ह॒ तत॒ एव॒ प्रष्टुं॒ दधे ॥ ३ ॥ स वै गौत॒मस्य॒ पुत्र॒ वृ॒तो ज॒नं धा॒वये॒त् । यो दर्श॑पूर्णमा॒सयो॒रष्टौ॒ पुर॒स्तादा॒ज्यभा॒गान्वि॒द्यात्प॒ञ्च म॒ध्यतो॒ ह्यवि॒र्भागान्॒ष्ट्र प्रा॒जाप॒त्यान॒ष्टा॒ऽउप॒रि॒ष्टादा॒ज्यभा॒गान् ॥ ४ ॥ स वै गौत॒मस्य॒ पुत्र॒ वृ॒तो ज॒नं धा॒वये॒त् । यस्त॒दर्श॑पूर्णमा॒सयोर्वि॒द्याद्य॒स्मादि॒माः प्र॒जा अ॒दत्त॒का जा॒यन्ते॒ यस्मा॒दासां॒ जा॒यन्ते॒ यस्मा॒दासां॒ प्रभि॒द्यन्ते॒ यस्मा॒दासा॑ ॥ संति॒ष्ठन्ते॒ यस्मा॒दासां॒ पुन॒रुत्त॑मे